

祠焉

顯靈侯廟

延祐四明志在縣西五里侯姓孔象山童

翁浦人行第七性剛烈死於海有劉贊者夢侯曰上帝錄我善命為境神已籍水府吾屍泛於沙浦君能收葬創數楹俾有棲托必為民利贊訪問果如夢即所居奠而祠之錢氏有吳越乃立廟宋高宗幸海道賜額顯靈


治水判官黃公祠 嘉靖定海縣志在縣西北靈緒鄉

武功村祀宋浙東轉運司判官黃恕

節清之黃公祠記慶元之屬縣

日定海者東濱滄溟世苦潮患治北走二舍則其北村之新土塘也稍北則武功村之和尚塘也界

流渟淤蕩深莫測其底南北相距百餘丈如囊沙壘橫亘阡陌之間嘗聚土列台甃之比將成水從下湧沉溢無際時或靜夜有聲如鼓擊目必大決海潮外應揚濤洶入桑田彈為斥鹵歲或十餘決連年尤數眾共神之望洋感額束手浩歎而已值太府卿知府事兼沿海制置使章君大淳蒞職大濬湖渠百廢具舉乃共以狀控之時公領轉運判官素以兼幹聞章君遂屬以厥事公慨然任之露處野宿躬荷鋤督役運土石垂成而復決者屢焉乃廣募良策有術士堪眾直前曰是地也無物而聲無風而濤龍罔象所蟄也投以生人彼畏陽而縮功可立奏公色忿然瞋目視曰修此以為民也殺人以求成功何心哉必爾捐吾身耳厥明齋沐具少牢以奠再拜為民請命少頃其下復有聲眾駭懼擾亂旁有峻崖公策馬臨之諭於眾曰吾死於此若輩奮力語未究崖崩如雷公併馬溺焉眾號擗聲震原野已而波濤恬然乃如公命投土不復淖決三日封土與兩塘連接忽塘右數十步外水起如注眾方懼復決俄湧公屍中據鞍攬轡顏色如生民爭出資具衣寇殮焉時淳祐戊申夏四月八日也公舍人欲歸其柩民攀輿泣曰我公祛百



世之害當享百世之報願乞衣冠葬而祠之章君以聞於朝勅進秩宣撫判官聽民立廟三旬廟成公諱恕字文揆別號東浦

張越國公祠 鎮海縣志在縣東北二里巾子山上祀

宋忠臣張世傑

卞公祠 成化四明郡志在縣東北五里元至正二十

八年朝列大夫卞燾痛父樞密承旨卞良輔死於王

事因於山下立祠

表功廟 嘉靖浙江通志在縣東南隅祀信國公湯和

賜廟額歲春秋祭

海道譚公祠 鎮海縣志在縣東二里威遠城內明嘉

靖四十一年知縣何愈建祀巡視海道副使譚綸

張微譚盧二公祠記東南夷寇之患起於積弛天子博

時咨才碩以任驅除梅林胡公資專節鉞時則有若巡

海副使譚公綸文武兼資有若都督同知盧公鐘宿

嫺韜畧胡公試於有衆倚為腹心二公相與議曰定

海海瑞奧區而招寶則郡治之門戶也此其山去縣

城百武而近賊如登而據之飛砲其上則縣城視覽

碎耳即夷船尾啣而入亦何以制之為戰守計者宜

莫如城招寶便乃以其意裁於胡公公輒報諾卜日

鳩工於時文武吏士懽欣鼓舞以為更生之賜乃為

祠以祀胡公已復為祠祀譚盧二公兵志曰上兵伐

謀又曰善師者不戰其三君子


之謂乎祠而祀之夫誰曰不可

都督盧公祠 鎮海縣志在縣東北二里明嘉靖四十

一年為都督盧鏜建

翁大立都督盧公生祠記公樹

助海上五十餘年矣以年踰七十請老於朝上未允所請而濱海士民恐公一旦懸車亟謀肖公像為祠尸祝嗟乎公身經數百戰前後



俘斬萬餘海上之助無踰公者昔信國封公廣寧封伯朝廷今以兩者待公公胡遽言去也公名鐘別號北山以處州衛指揮起家其子相有父風臨陣身先士卒父子一時崇功偉業照耀海內亦古今之所難

都督俞公祠 鎮海縣志在縣東半里鎮遠門內明嘉

靖三十五年為都督俞大猷建 豐道生俞公生祠記舟山者定海之塞也

賊據山閩歲公圖於副使方湖王公授畧於指揮張四維縱兵擊且焚殆盡擒百四十獻於胡公其民歸於田屋舍妻孥晏然復矣於是詔進公都督同知總兵開府定海定海之民相與雜壤構祠而尸祝之

忠義節孝祠 二祠俱在學宮東偏

國朝雍正五年知縣田長文奉文建

象山縣

先農壇 在城東三百步

國朝雍正四年知縣馬受曾奉文建立壇宇并置稻田四

畝九分

社稷壇 象山縣志在縣西彭姥嶺下

風雲雷雨山川壇 象山縣志在縣西南半里

邑厲壇 成化四明郡志在縣北八十步

城隍廟 象山縣志舊在治西南四百步東嶽廟之前

唐神龍二年建明洪武三年遷於縣之東北一里東

塘山下嘉靖二十年令毛德京築城工畢徙縣東南

文峰塔之右



普濟廟

嘉靖浙江通志祀龍神宋南渡初賜額曰靈

濟明改賜今額

縣東南三十五里山勢垂盡入大海

中抑而復昂島嶼角立山之下巖竇空洞中垂石柱如鋸龍湫宅其內潮汐衝撞且夜不息惟暮春之三日水退人可遊焉石乳巖花繽紛欲墜蓋龍之所居云歲早禱祈即應故立廟以祀之廟在東山之隈赤巖之陽宋熙寧間縣令黃顏為記及高宗南渡舟幸海道風濤震驚神之功曹柳氏昆弟三人顯忠效靈以濟艱危由是賜靈濟廟額元之季年屋久而圯弘治癸丑冬主簿孫德仁乃經始而謀度之縣丞賈行簡典史張克己又從而贊襄之爰出稍康以先士民甲寅歲夏新廟告成

顧長官祠

延祐四明志在縣城內長官名方字正夫

丹陽人宋皇祐末登進士調象山令勸善懲惡建學

舍教子弟逾年民大化後卒邑人思慕相與立祠

陳元帥廟

象山縣志在縣西南二十里又名靈濟廟

周希程陳元帥廟記元帥宋丞相宜中從子名夫傳行十五少負勇畧拜議郎理宗時屢立戰功擢大元帥德祐中扈從舟次象境金井灣得暴疾知不可起遂向帝舟叩頭長勤而逝遂葬於姥嶺之麓麾下死義者四人殉葬墓側一夕鄉民夢神語曰元兵至矣我將拒之數日果見元舟蔽海而下乘風徑入一鄉辟易元帥率陰兵列海岸元兵望兩岸皆軍遂退去明日復來又如之民得保障因立廟塚上祀焉明嘉靖三十八年倭寇百餘屯四都海道譚綸部兵來勦神効靈助順遂捐貲修廟更建石坊匾曰神武

錢尚書祠


寧波府志在治西尚書諱唐明萬曆三十

六年立祠春秋有祭

忠烈廟

嘉靖寧波府志在縣東北四十里祀明死事

千戶易紹宗



毛公祠 象山縣志在治東南城隍廟右明嘉靖十九

年令毛德京建象城功在不朽民祀之

忠義節孝祠 忠義祠在縣學左側節孝祠在縣治東

隅

國朝雍正四年知縣馬受曾奉文建

定海縣

先農壇 在東門外莊

國朝雍正五年知縣李灼奉文建立壇宇并置耕田四畝

九分

社稷壇 定海縣志在西城外半里祈雨山下

風雲雷雨山川壇 定海縣志在南城外半里觀山之麓

麓

邑厲壇 定海縣志在北城外北山之麓半里許

城隍廟 祭附山川壇

國朝康熙中始建


繆燧新建城隍廟記邑之祀城隍所以崇保障祀安釐也定邑洊經廢徙廟亦

因草無定展復以來叔置簡畧僅蔽風雨而已余抵任卽與鎮府藍公斥俸鳩工已卯復偕闔邑衿庶捐資重建規模嚴就儀衛改觀蔚然與壇遺學校並峙於城郭數里之內

岱山廟 延祐四明志在北海中世傳隋末陳稷沒後

顯靈於此

天妃聖母祠 定海縣志在治南岑港魯明萬曆間建



署隆天妃聖母祠記州治南去里許阻山下卸南關津渡處山之陽天妃聖母宅焉顏垣敗宇焚修久廢登覽者悽然夫東南特舟師以寧舟師恃神庥以濟厥靈弗妥當事者之過已萬曆辛巳參戎袁侯來寧是邦登山謁聖母祠顧而嘆曰澤國洪濟寶式憑之我軍民所共乞靈者其屑越之也輒捐俸如干聚材鳩工塗堊完整洪流匯前蓉峰環錯朝曦夕暉頓成勝覽於是人具瞻而神庥普矣甲辰春仲告成

成仁祠 定海縣志在北門外

國朝康熙四十二年知縣繆燧建祀吳鍾巒張肯堂等數

十人

忠義節孝祠 二祠在明倫堂左偏

國朝雍正六年知縣李灼奉文建

勅修浙江通志卷二百二十一

勅修浙江通志卷二百二十一

祠祀 五

紹興府

山陰縣 附郭

會稽縣 附郭


先農壇 在五雲門外一都一畝

國朝雍正五年山陰縣知縣石秘會稽縣知縣張我觀奉

文建立壇宇并合置藉田九畝八分

社稷壇 紹興府志在迎恩門外數百步運河之南山

陰會稽之祭附焉地隸山陰 陸游社壇記縣社在禮禋坊日社日稷日風師



署隆天妃聖母祠記州治南去里許阻山下卸南關津渡處山之陽天妃聖母宅焉顏垣敗宇焚修久廢登覽者悽然夫東南特舟師以寧舟師恃神庥以濟厥靈弗妥當事者之過已萬曆辛巳參戎袁侯來寧是邦登山謁聖母祠顧而嘆曰澤國洪濟實式憑之我軍民所共乞靈者其屑越之也輒捐俸如干聚材鳩工塗堊完整洪流匯前蓉峰環錯朝曦夕暉頓成勝覽於是人具瞻而神庥普矣甲辰春仲告成

成仁祠 定海縣志在北門外

國朝康熙四十二年知縣繆燧建祀吳鍾巒張肯堂等數

十人

忠義節孝祠 二祠在明倫堂左偏

國朝雍正六年知縣李灼奉文建

勅修浙江通志卷二百二十

勅修浙江通志卷二百二十一

祠祀 五

紹興府

山陰縣 附郭

會稽縣 附郭


先農壇 在五雲門外一都一畝

國朝雍正五年山陰縣知縣石秘會稽縣知縣張我觀奉

文建立壇宇并合置藉田九畝八分

社稷壇 紹興府志在迎恩門外數百步運河之南山

陰會稽之祭附焉地隸山陰 陸游社壇記縣社在禮禋坊日社日稷日風師



曰兩師曰雷神凡五壇皆廢不治四明王君時會之
來爲令乃卽其地爲垣八十丈築室四楹有門以時
其啓閉有庫以儲其器物用宋之櫟豐之枌榆故事
蕤松五十凡稽合制皮藁秸筦席幣筐樽俎豆籩盥
盥勺罍莫不如式粢盛酒醴牲牢莫不共給獻有次
祕有位齋有禁省饌食爵奠幣飲福望燎望瘞有儀
祝事各以其日禮
成而退無違者

國朝康熙二十九年知府李鐸重建於社旁隙地種松竹
植桑柘歲取其租以共修葺五十四年知府俞卿重
修

風雲雷雨山川壇 於越新編在會稽山之陰紹興府
志山陰會稽附焉久圯

國朝康熙二十九年知府李鐸會稽知縣王風采重建

郡厲壇 紹興府志山陰會稽共祀在昌安門外久圯
其地爲民居侵佔

國朝康熙五十六年知府俞卿復之修其祭壇

城隍廟 山陰縣志在臥龍山麓山之上下各有殿上

殿西偏有星宿閣前列梅嶺諸峯最爲勝絕再西有


湖山一覽堂下瞰王公池前帶鑑湖下殿之東有思

敬堂前有池曰凝碧紹興府志神姓龐諱玉爲越州

總管惠澤在民旣卒郡人追懷之祠以爲城隍神梁

開平二年吳越王錢鏐奏封爲崇福侯錢鏐城隍廟
記浙東地號

奧區古之越國當舟車輻湊之會是江湖衝要之津
自隋末移築子壻因遷公署據卧龍之高阜雉堞穹



崇對鏡水之清波風烟爽朗緬惟深固宜叶冥步故
唐右衛將軍總管龐君玉頤握圭符首臨戎政披榛
堵墻愛戴庶民仁施則冬日均和威肅則秋霜布令
追仰共立嚴祠鎮都雉之巔巒宰軍民之禍福殿堂
隆遠儀衛精嚴式修如在之儀仰托儲靈之應往載
豐生劉氏妖起羅平予躬稟睿謀泰行天討數年環
甲兩復述檣皆資盼資之功以疏賊平之業特為重
增儀像嚴潔牲牢邇來四野無虞靈像每飭吳風
揚旌東渡巡撫軍民躬奠和樂日瞻靈像每飭吳風
越俗共欲道泰人安昔為兩鎮之靈今作一家之慶
遂馳箋表請降封崇所冀朝恩與漢牧齊標美稱共
秦巒對聳尋蒙天澤果賜允俞頒崇福立嘉名陞五
等之尊霽其所奉神命其列如左梁開平勅鎮東軍
城隍神麗玉前朝名將劇郡良材頃因剖竹之辰實
有披榛之績創修廟署綏輯吏民豈獨遺愛在人抑
亦垂名終古泥錢位隆三鎮功顯十臣能求福而
不回致效靈而必應願加懿號以表冥符宜旌爰業
澤宜賜號崇福侯

宋紹興元年賜額顯寧封昭佑公

三十年加號忠順乾道五年加號孚應八年加號顯

惠淳熙三年封忠應王後又加號昭順靈濟孚佑萬

曆紹興府志明洪武三年去前代封號稱紹興府城

隍之神萬曆十二年下廟殿災知府蕭良幹重新之

謝遷謁廟詩迤邐岡巒隔市塵嵯峨臺殿集高真天
低象緯先分曙地接蓬壺獨貯春大府建牙森棨戟
仙壇煮石足荆榛滿前多景
真奇絕老眼于今又一新


國朝康熙五十四年知府俞卿重修上下二廟其上廟星

宿閣久燬惟池基畧存

山陰縣城隍廟

山陰縣志明嘉靖二十一年知府張

明道知縣許東望新建於太清宮側後知縣耿庭柏



移建於演武場東紫金坊

國朝康熙四十年知縣顧彪修

會稽縣城隍廟 會稽縣志在縣東二十餘步正德十

五年知縣徐岱修嘉靖十九年知縣吳希孟重修

國朝雍正五年知縣張我觀修

旗纛廟 舊浙江通志明洪武初征南副將軍廖永忠

建在紹興衛西南陝歲霜降鎮將衛所守禦官祭之

紹興府志後移於會稽縣東南法濟里

南鎮廟 萬曆會稽縣志在會稽山之陰周禮職方氏

揚州之鎮山曰會稽秦併天下以會稽為名山祭用

牲犢圭璧晉咸和八年從祀北郊隋開皇十四年就

山立祀唐天寶十年封永興公以南郊迎氣之日祭

宋淳化二年從秘書少監李至言以立夏日祀永興

公於越州後加封永濟王元改封昭德順應王

鄧文原南

鎮廟碑東南控帶江海層岡峭嶺圭立屏峙莫可殫

狀而會稽之山秀萃無儔明靈所司由隋唐暨宋祝

號祭式公王次升大德已亥詔尊南鎮會稽山為昭

德順應王與嶽瀆同祀至大已西嘉議大夫朶兒赤

來守茲土進謁祠下顧視輿慨曰守臣職在藩宣事

神訓民曷敢不欽厥事乃集羣議將大撤而新之請

於帥府給緡錢二萬五千四百有奇經度致址為畝

二十五有半因發地得石具識深廣北東西臨溪南

直徑筭峯紀以宋大中祥符之二年視舊加斥明洪

武三年詔去前代封爵止稱會稽山之神每歲以春



卷之三十一

秋二仲月祭後禹陵一日

唐之淳南鎮廟詩維昔作巨鎮此地歷荆揚計功自

神禹望祀及秦皇馮陵任厚坤歛吸半炎方昔聞周祀典近者自隋唐器物及儀文制侔侯與王層宮列象設錯落丹青光烟鬢夾霧穀出入人鬼傍嶂聚金碧氣樹多靈鳥翔冥冥象羣怪藹藹圖百祥飄飄紫蓋轟燥燥朱絲張不知誰為助意乃惑愚麗山川固明靈在德非馨香褻祠既廢用古典或可詳聘詞代巫祝自天祈降康

國朝順治八年遣孫廷銓致祭

御祭文

惟神秀競千巖靈鍾萬壑帶江襟海育物福民朕統御寰中敬修祀典昭茲殷薦衛我南藩尚饗

順治十八年遣李敬致祭康熙六年遣王清致祭二

十一年遣李仙根致祭二十四年遣鄭重致祭二十


七年遣阿山致祭三十五年遣裴充佩致祭三十六

年遣溫達致祭四十二年遣王紳致祭

聖祖仁皇帝御書秀帶巖壑四字奉懸廟中復勒石焉

御祭文

惟神德配祝融望隆於越靈威丕赫作鎮南方朕祗承休命統馭寰區夙夜勤勞殫思上理歷茲四十餘載今者適屆五旬海宇昇平民生樂業見輿情之愛戴沛下土之恩膏特遣專官虔申秩祀尚憑靈貺益錫蕃禧佑我國家共登仁壽神其鑒焉



康熙四十八年遣覺羅滿保致祭五十二年遣拉都
渾致祭五十八年遣薄有德致祭六十一年十一月

世宗憲皇帝即位遣吳廷揆於雍正元年二月告祭

御祭文

惟神秀挺越山功施浙水威靈有赫作鎮南方朕纘受不
基新示景命竊念

皇考肇禱以來百靈效順西海東溟坐享昇平六十餘載茲
當嗣位之始宜隆祀享之儀特遣專官虔申昭告惟冀時
和歲稔物阜民安淳風遍洽乎寰區厚德長孚於率土尚
其歆格鑒此精誠

雍正十三年九月

今上皇帝即位遣趙之垣於是年十二月告祭

御祭文

惟神秀挺千巖名標百越帶江襟海炳曜炎邦朕纘承
大統仰紹前徽伏念


皇考臨御以來敬禮明神肅將禋祀靈祇孚應昭受鴻庥清

晏奠安茂登上理茲當嗣位之始宜隆望秩之儀特遣
專官虔申告祭惟冀雨暘時若年穀順成萬方蒙樂利

之庥兆姓荷旃幪之德尚其歆格鑒此精誠

虞舜廟

述異記會稽山有虞舜巡狩臺下有望陵祠



弘治紹興府志在郡境者四所一在會稽縣東南百
里一在餘姚縣歷山一在上虞縣西北四十里一在

上虞縣梁湖北

大禹廟

嘉泰會稽志在縣東南少康立祠於陵所梁

時修廟唯欠一梁俄風雨大至湖中得一木取為梁

即梅梁也宋政和四年勅廟額曰告成東廡祭嗣王

啓而越王句踐亦祭別室廟下為放生池臨池有感

若亭明遠閣懷勤亭弘治紹興府志郡境尚有四所

一在山陰縣西余山一在山陰縣蒙槌山一在嵊縣

了溪上一在新昌縣南名公塘廟紹興府志山陰廟

在塗山南麓宋元以來咸祀於此明時始即會稽山

陵廟致祭茲廟遂廢大禹陵廟每歲有司以春秋二

仲月祭

謝惠連祭禹廟文謹遣左曹掾奉水土之羞
前薦夏帝之靈咨聖繼天載誕英徽克明克

哲知章知微運此宏謨郵彼民憂身勞五岳形瘦九

州呱呱弗顧虔虔是欽物貴尺璧我重寸陰乃錫元

主以告成功虞數既改夏德乃隆臨朝總政巡國觀

風淹留稽嶺乃徂行宮恭司皇役敬屬暉融神惠畧

薦乃昭其忠宋之問謫禹廟詩夏王乘四載茲地發

金符峻命終不易報功疇敢踰先驅總昌會後至伏

靈誅玉帛空天下衣冠照海隅旋開厭黃屋便道出

蒼梧林表祠轉茂山河井距枯舟遷龍負壑田變鳥

耘蕪舊物森如在天威肅未殊元夷屆瑤席玉女侍


清都奕奕闡闔遠斬斬使德趨氣清連曙海雲白洗

春湖猿嘯有時答禽言常自呼靈歆異蒸精至樂匪

笙等茅殿今不襲梅梁古製無運逢日崇麗業盛答

昭蘇伊昔力云盡而今功尚敷揆才非箭美精享愧

生芻郡職昧為理拜空寧自詆下車霰巴積攝事露



行濡人隱冀多祐曷難霑薄軀李紳禹廟詩削平水
土窮滄海畚鍤東南盡會稽山擁翠屏朝玉帛穴通
金闕架雲霓秘文鏤石藏青壁寶檢封雲化紫泥清
廟萬年長血食始知明德與天齊林景熙謁禹廟詩
萬國會朝會羣山尚鬱盤嚴祠鎮元壁故代守黃冠
窆入雲根石梁歸雨氣寒年年送春事來拂蘇碑看
國朝康熙二十八年

聖祖仁皇帝南巡閱視黃河念大禹神功

特幸會稽二月十四日昧爽

詣廟致祭

賜帑金二百兩給其後裔增守祠二人

御書地平天成四字扁額

御製江淮河漢思明德

精一危微見道心對聯一副恭懸正殿紹興府知府李

鐸增葺祠宇五十二年知府俞卿重修而舊祠規模

未狹隘歲久漸圯雍正七年欽奉

上諭着加謹修葺總督臣李蔚統籌祭勅動帑興修


伯益廟 於越新編在山陰縣承務鄉一名稽山廟傅揆

重稽山廟柱聯稽唐虞二典烈山澤驅蛇龍佐禹以
平水土三江是底故帶彌特存乎兩浙讀山海一經
刊草木燠魚蟲配稷而粒蒸民
九土攸同寧俎豆僅盛於八鄉

越王祠 嘉靖山陰縣志嘉靖十一年知府洪珠卽光

相寺基改建以祀越王句踐在府西北二里弘治紹

興府志郡有二所一在府西北一在會稽縣東南十



二里

王十朋越王祠詩寂寂籟圖歇堂堂祠廟留餘
休障一國往事儘千秋苦哉山中採香膠湖上
投平吳端在此
可與後人謀

江東廟

名勝志在城東北二里石姓諱固秦時贛

人廟食於贛江之東漢陳嬰討南越神以捷聞此廟

越之始

項羽廟

於越新編在項里溪上弘治紹興府志一在

山陰縣西南二十里一在上虞縣西南五十里

朱太守廟

名勝志在文應橋西即朱買臣有破甌越

功人民德之

張世昌朱太守廟詩會稽太守吳門客
昔年負薪人不識袞龍天近日易明金
馬門深露猶滴漢家天子登夔龍百年禮樂庶虞風
金印歸來大於斗錦衣直照天南東丈夫英雄誓許

國生當封侯死廟食烏啼老
屋起秋風淚痕濕透羊公石

梅福廟

名勝志在梅里尖之麓今即梅山寺立像祀

之紹興府志明知府張明道立

張喬梅福廟詩梅真
從羽化萬古是須臾
此地名空在西山雲亦孤井痕平野水
壇級上春蕪縱有雙飛鶴多年松已枯

鄭太尉廟

弘治紹興府志在會稽縣東南十五里之

樵風涇祀漢鄭弘

華鎮鄭太尉廟詩并序鄭相起樵
風用郡守第五倫之薦致位三公
與倫並列可謂盛矣祠宇之亓至今猶有風朝南暮
北馮王鏞金漢上公當年榮與舊君同故山廟食千
秋後來往猶

乘直暮風

馬太守廟

紹興府志一在鑑湖東跨湖橋南祀東漢

郡守馬臻以臻開鏡湖築塘蓄水遺利甚溥民立祠



以祀山陰縣志一在縣西六十里廣陵陡門上

王十朋馬

太守廟詩會稽疏鑿自東都太守功從禹後無能使越人懷舊德至今廟食賀家湖徐天祐馬太守廟詩澄湖昔在鏡中行總是當年畚鍤成莫訝靈祠荒蘚合烟波萬頃已春耕

聖朝康熙五十八年知府俞卿重修

徵愛祠

紹興府志在臥龍山東麓明嘉靖三十一年

知府梅守德即大節祠改朔祀漢太守劉寵宋太守

范仲淹久之祠祀乃移二像入明知府王昇期祠內

國朝康熙十一年知府張三異撤而新之易額曰義愛後

又增入明知府許如蘭并

國朝知府張三異合宋義士唐珏並祀於右楹康熙五十

四年知府俞卿重修

曹娥廟

於越新編初屬上虞後改隸會稽在府城東

九十二里宋大觀年封靈孝夫人政和年加封昭順

淳祐年復加封純懿且封其父為和應侯母為慶善

夫人又熙寧中會稽令董楷以朱娥配享明因之不

改嘉靖間知府南大吉廓之以合郡烈女從祀兩廡


萬曆四十五年送諸娥入祠配享號三美祠

傳詳列女潘閔

曹娥廟詩曹娥廟前秋草平曹娥廟裏秋月明扁舟一夜烟無寐近聽江聲似哭聲王十朋曹娥廟詩慟

哭無尋處投江竟得屍風高列女傳名重外孫碑荒草沒孤塚洪濤春古祠懷沙為誰死翻愧是男兒錢

岳岳曹娥廟詩曹娥廟貌樹豐碑千古行人痛色絲苦恨當年題八字不旌賢孝只旌貞



國朝順治五年里紳沈文奎捐金重建

關帝廟 會稽縣志在西府坊白馬山下紹興府志又

有門 龍口鎮東閣側

國朝康熙五十五年知府俞卿修 按境內廟所在多有惟山陰之大雲橋及西郭

之至大寺 靈爽尤著

下右軍祠 萬曆紹興府志在戴山戒珠寺東寺即右

軍別業嘉靖十年知府洪珠移置於佛殿之西寺門

外鵝池墨池尚在 大萊馬王右軍祠詩小立天地窄

然燕吉祠復何人遠像寄梵宇柳老題扇橋荷香弄 鴉浦與午當衰亂神州渺淮楚經畧欲馳兵保障期

多培好溫多大志誕浩却浪許護軍曾參綜踐疏極 心濟願謀不可勝野戰徒爭武內外未協和英雄豈

豪舉泗口聊進屯譙城遽奔沮事勢日趨異朝廷馳 擲柱去宮寧忤遠誓墓獨酸苦父子但法書功勳繼

塵土青細每收拾綠筆餘圖譜草缺俱入妙雲龍競 掀舞崔蔡須抗行羊股豈傳伍鬼驚或有藏野鴛紛

難數平生破布被漫以指畫 壯起叱放墨池長鯤戰風雨

國朝康熙五十七年知府俞卿修

賀監祠 會稽縣志在鏡湖上唐秘監賀知章祠也 諸葛


典賀監祠頌山簇簇兮環湖水森森兮禁野人何遊 今明鏡鳥何飛兮畫圖懷賀老兮今昔想地致兮林

高廬老之襟兮天澗老之神兮秋月兮春官凌雲篇兮倚 兮水雪際熙運兮開元司繹典兮春官凌雲篇兮倚

華蓋驂鶴馭兮丹宸聆九奏兮鈞天騰天公兮遂志鼓 仙觀紫皇兮玉宸聆九奏兮鈞天騰天公兮遂志鼓

子相兮錦里吾朋兮鷗鷺吾賓兮烟水野服兮蹕蹕 庭衣兮娛戲緬高賢兮非苟於去就庶幾兮東門之

遊 鶴鳴夷之子王十朋賀監祠詩賀老祠堂枕鑑湖霓 裳羽化宅荒蕪無人更問君王覓轉使高風千載孤



錢王祠

嘉靖浙江通志在縣南五里祀吳越王鏐皮

光業撰廟碑

見藝文志徐天祐錢王廟詩石檻山前結駟遊故鄉霞錦徧林邱祇今東府空

遺廟露立唐碑老樹秋

高氏五王祠

山陰縣志在府城西六十里祀宋太尉

高瓊瓊封衛上子繼勳封康王孫遵甫封武功郡王

進楚王曾孫上俊封武寧郡公追封武寧郡王元孫

公紀封晉寧郡公追封晉寧郡王靖康末少保高世

則扈蹕南渡領越州觀察有功於越奉勅建祠

司馬溫公祠

弘治紹興府志在山陰縣北三里公四

世孫史部侍郎開國伯伋扈高宗南渡遂家於山陰

立祠奉祀歲久頽廢明景泰間伋九世孫廷芳奉行

有司重修

國朝康熙五十四年知府俞卿修

尹和靖先生祠

萬曆紹興府志在捨子橋下古小學

內嘉靖間知府洪珠改建有司春秋祭

劉公祠


紹興府志在杏花寺側知縣唐時舉建以祠

五忠劉公者按宋史劉頡忠簡孫純諡忠烈從孫

齡諡忠顯韜子子羽諡忠定子羽子珙諡忠肅當方

想寇之亂韜守會稽有捍禦功舊有祠而圯其後裔有

為山陰幕者因家於越乃合五忠祠祀之有司春秋



祭山劍墓香因寒休賦八合五忠斷脈之香何春燃

愍孝祠嘉泰會稽志在府東北孝子蔡定父以事逮

獄年七十當贖吏持不可定祈哀太守願以身代不

報因趨府橋下自湛而死太守翟汝文聞之亟命出

其父且給轄以葬定後七年太守王緝始克請於朝

賜廟額曰愍孝王朋蔡孝子詩我昔嘗讀黃絹碑

千載有此一段奇鳴呼哀哉蔡孝子風烈遠過羈與

恢乃翁白首困縲紲半年不脫兒心悲請身荷械代

父罪或甘黥涅居軍麾況遇軍興擊卒叛身先矢石

死不辭當時非無賢太守孝子抱志終不施人間無

路可赴愬投命河泊祈天知自為銘誌及訟牒欲誣

以魂贖以屍情哀意切語不怨孝與忠厚俱天竄臨

河更效結纓死顛沛於禮會無虧父脫繫囚子頭擊

身在九泉力若餘名聞九重獲旌表兩楹破

涓未聞設謀有度尚絕好更欠邯鄲詞我來贊幕欽

孝烈顧瞻廟貌成吁嘻他年太史作佳傳願從紙尾

書吾

旌忠廟 於越新編在府東南五里宋太守傅崧卿建

祀衛士唐琦傳詳忠臣萬曆會稽縣志後帥陳汝錫再請


詔賜額曰旌忠隆興間帥吳芾增修之元至正十六

年推官貢師秦重修明天順七年知府彭誼重修戴冠

旌忠祠詩唐琦一衛士初不聞聲名思欲報主讐奮

然竟捐生殺身雖易言幾人能果行琦志不可奪口

與心自盟事在義與否何計敗與成金石或可革此



奏免湖田糧民為立祠額曰彰德

吳孜祠 紹興府志在府學內宋吳孜捨宅為學因祀

之王十朋吳孜祠詩右軍宅化空王寺秘監室為羽士官惟有先生舊池館春風長在杏壇中

朱文公祠 紹興府志在府西南一里初嵇山書院有

公像明萬曆七年書院廢十年知府蕭良翰復之遂

易額有司春秋祭

徐相公廟 萬曆紹興府志在會稽縣學西徐渭徐相公廟碑神

姓徐名龍佛世鳳陽人宋端平三年生當父官會稽學時嘗從道上拾遺卵腹之得白雞以鬪莫有敵者父母憎其傲遂去家為縣獄長未幾改行讀書歸事其父母以孝聞殘而為神至動人主咸淳三年詔封神對衣與聖人別人爭奉之


雙義祠 於越新編舊在名宦祠側歲久圯明嘉靖開

知縣張鑑改建於攢宮文徵明雙義祠記嘉靖二十六年丁未十月會稽雙義祠

成祀宋義士唐公邛林公德賜也宋社既屋宋諸陵之在會稽者悉發而平之奸僧楊璉真如實倡率焉珠玉悉攫取而殺骨榛莽極其悖賊二公先後以他骨竄易而瘞之植冬青以志願正史不傳雖出於紀事之書其言不皆同而皆有所徵要為不誣也縣故有祠在名宦祠之左歲久且敝南充張君鑑以甲辰進士來知縣事謂二公所為得名直以表之故陵旁故多隙地依陵植樹於事為宜歲時有事大陵以次及公祠與陵相為終始亦庶幾二公之志也

顯應廟 萬曆紹興府志在攢宮季本顯應廟記郭公諱紹以行稱紹一生

於元至元六年性質直有義氣鄉間有急每以身先志不求其報家貧以樵為生毫髮不苟取每至深山窮谷穿虎豹之羣而無恐怖及卒常依人言禍福歷歷皆有明驗鄉人異之故水旱疾疫必致禱焉



劉太守祠 萬曆紹興府志在府城隍廟西正德三年

郡人王楚黃建祀知府劉麟

王文成公祠 紹興府志在府北二里許明嘉靖十六

年御史司汝員建以祀王陽明守仁 薛應旂告陽明祠文嘉靖壬子

春二月後學武進薛應旂視學紹興揭陽明王先生祠見祠以新建伯題額因思先生之所以振起乎俗學著存乎人心者不專在是也屬紹興府知府梅守德易以今額具香帛果醴為文以告之曰於乎先生豪傑之才聖賢之學闢世路之榛蕪開吾道之精真有繼往開來之德不止勤事捍忠之功旂等雖未及門竊幸私淑頃登先生之祠會先生及門之士議易今額謹書曰陽明先生祠謹告

國朝康熙二十九年知府李澤重修易今額

忠節祠 萬曆紹興府志在府城西南五里正德時裕

州同知郁采死流賊之難嘉靖中僉事蔣舜民知縣

劉昂卽其墓立祠祀之

忠烈祠 紹興府志在徵愛祠之左明嘉靖二十一年

知府沈啓初祀餘姚孫忠烈燧兼祀其子都督堪尚

景寶卿塢南京禮部尚書陞


褒忠祠 山陰縣志在光相坊新建伯祠之右明嘉靖

諷至十四年紹興府知事何常明山陰庠生金應賜餘

姚監生謝志望庠生胡夢雷禦倭死於難事聞於朝

常明贈太僕寺丞應賜志望夢雷俱贈州同知立祠

以祀之 萬曆紹興府志在府城隍廟西正德三年



沈公祠 萬曆紹興府志在嵇山里隆慶六年巡按御

史謝廷傑建祀贈光祿寺少卿沈鍊有同春秋祭徐

渭有記傳詳忠臣

龐公祠 紹興府志在府學西明萬曆間郡人建祀巡

按御史龐尚鵬

景賢祠 萬曆紹興府志在禹跡寺西萬曆二年建祀

長沙知府季本張元忬有記傳詳儒林

湯太守祠 紹興府志在開元寺內祀知府湯紹恩傳詳

冬明萬曆初建其生祠在三江開口明嘉靖中建

國朝雍正年六月浙江巡撫法海以紹恩創築三江間

有功紹郡題請封號

勅封寧江伯春秋致祭

六賢祠 在郡城南府學之東羅門側

國朝康熙二十四年知府胡以渙建祀明季節義諸臣監

察御史黃尊素戶部尚書倪元璐左都御史劉宗周

左副都御史施邦耀右庶子周鳳翔蘇松巡撫祁彪

雙陸

陸孝子祠 在丈五村

國朝康熙五十五年知府俞卿建祀孝子陸尚質傳詳孝友

張文恭祠 舊浙江通志在山陰縣右明萬曆間建祀



諭德張元竹

傳詳儒林

陶文簡祠

紹興府志在江橋右明天啓間建祀祭酒

陶望齡

傳詳儒林

雙節祠

萬曆會稽縣志在賀家湖口江家園止水墩

明弘治中里人建以祀范氏三女嘉靖間知縣牛牛

重新之

傳詳列女湯紹恩雙節祠詩老夫和淚寫新詩止水亭中雙節奇萬古綱常同一死寸心

鐵石兩無移鸞分鏡影秋風冷風咽簫聲夜月遲天地不窮情不盡迄今草木有餘悲

忠義節孝祠 山陰縣二祠俱在上植坊會稽縣二祠

俱在朝東坊

國朝雍正四年知縣周崇高張我觀奉文建

蕭山縣

先農壇 在縣治東門外

國朝雍正五年知縣門鈺奉文建立壇宇并置藉田四畝

白九分

社稷壇 萬曆紹興府志在縣西二里


風雲雷雨山川壇 紹興府志在縣東三里

邑厲壇 萬曆紹興府志在縣北一里

城隍廟 弘治紹興府志在縣治南一百五十步其神

舊志稱崇福侯蓋誤以府城隍舊額冠之也

寧濟廟 紹興府志在西興鎮浙江潮神也宋政和三年



寧年賜今額六年高麗入貢而潮不應有司請禱潮即

大至詔封順應侯淳熙末高宗靈駕來太守張杓躬

視漲沙沿御舟入浦處盡護以紅竹詰朝方集萬夫

迨潮落沙已蕩盡水去所插之竹纔尺許及虞祭畢

沙復漲塞先是已加武濟公於是又加忠應翊順靈

祐公慶元四年賜爵字祐王有司以八月十五日祭

白龍王廟 紹興府志在航塢山宋紹興中建

武佑廟 嘉泰會稽志在縣北二里舊號北嶺將軍廟

蕭山縣志又名厲將軍廟 輟耕錄至正丙申歲大旱

廟累日俄降筆云吾秦人厲狄也與項羽起山陰雖

功不竟而死然行德於民其災者不忘我者俾能食

於此世代雲變漚漚姓名故以相告至今人呼為厲

將軍廟劉基北嶺將軍廟碑餘暨東北百里為蕭山

縣其山曰北幹之山其神甚靈能祛疫癘作雲雨入

有所祈必應尊其神曰北嶺將軍歲時祠焉宋徽宗

時方臘反睦州自睦入杭具舟將渡江吏民大恐怖

相率禱於神比寇至即有風逆其舟且見甲士列岸

上甚眾乃止不敢渡寇平知越州劉韜上其事於朝

賜額曰武佑廟後封顯應侯有元至正十二年並簿

趙君誠至縣元統甲戌春以俸錢作新廟予為之歌俾祀神焉

劉太守祠 蕭山縣志在錢清鎮北祀漢會稽太守劉


寵 傳詳 唐封靈應侯宋改靈助侯元至正間帥周紹

祖重建明嘉靖三十六年令魏堂葺 王叔能劉太守

舉世傳至今遺廟在江邊近來仕路多能者也學先

生棟大錢沈環劉太守祠詩古廟小江邊穹碑誌一

錢清名垂竹帛遺愛豈蒲鞭犬臥花村 王風采



國朝康熙二十八年知府李鐸屬會稽縣知縣王風采修之五十五年知府俞卿重修

張靜安公廟 紹興府志在縣東北十里之長山神諱

夏宋景祐中浙江塘壞神時為工部郎中受命護堤

置捍江五指揮各率兵士四百人採石修塘隨損隨

築人賴以安郡人為之立祠朝廷嘉其功封寧江侯

俗謂之長山廟

國朝雍正三年

勅封靜安公春秋致祭

德惠祠 蕭山縣志在湘湖明成化元年賜額祀宋邑

令楊時後以邑人吏部尚書魏驥同祀

劉針德惠祠記宋大儒龜

山楊文靖公政和間為蕭山令多惠政而其大者水

利焉蓋民嘗苦旱公相邑西南多山地勢高亢平曠

乃築堤延袤八十餘里潞水曰湘湖利及九鄉民感

其惠立祠湖上曰楊長官祠又加圖其像祀之歲久

祠廢景泰初南京吏部尚書南齊先生家居謀諸縣

令得湖東百步許廢寺山麓以復其祠劉羽魏文靖

公配享德惠祠記景泰改元邑人魏文靖公致仕歸


里視楊公堤舊規廢年久設法築塘高下增築

臥羊坡抵避湖中風浪栽柳於塘使其室久革除占

湖為田七百三十一畝及江海無滄障衛民惟

遺言辭免營葬省銀一千七百餘兩轉濟饑民粟縣

之民感公之惠合章上請立祠報祀下廷臣議曰公



楊公祠

於越新編在縣東二十里長山尾祀明守道

楊一葵

錢象坤楊公祠記憲副楊公蒞越以歲甲寅築石塘橫袤九十五丈又用錢氏法寶石於

竹籠倚疊為岸固以椿木袤一千三百一十丈復以餘力濬河千一百餘丈費金三千七百有奇越之水

施侯祠

紹興府志在倉橋祀明知縣施堯臣

傳詳名宦

忠義節孝祠

忠義祠在縣治學宮之東節孝祠在縣

治西門外

國朝雍正四年知縣門鈺奉文建

諸暨縣

先農壇

在城東金雞山下

國朝雍正五年知縣黃道中奉文建立壇宇并置藉田四

畝九分

社稷壇

萬曆紹興府志在縣北三里

風雲雷雨山川壇

弘治紹興府志在縣南四里

邑厲壇

紹興府志在縣北二里

城隍廟

諸暨縣志在縣城西一里宋淳祐壬寅縣令


家坤翁遷於淨觀院南明洪武三年主簿史子疇重

建張山之陽領圮永樂間邑人曹希賢王景明等建

萬曆己亥縣尹劉光復開闢直道前臨湖水

俞柳和判官廟

嘉泰會稽志在縣東南孝義鄉父老



傳有姓俞者久寓村媪家病革語媪曰死以兩大甕

合以葬我扛折則窆鄉人如其說復夢俞曰今為天

曹雨雪部判官會野火日至烈日中雨雪塚上遠近

異之即其地立祠紹興初久旱迎神至大雄寺禱雨

立應歲以大稔相傳神喜柳枝邑人致禱必持柳枝

以獻因號柳仙云

陶朱公祠

嘉泰會稽志在縣東南五里祀越相范蠡

典越二大夫祠

諸暨縣志在上橫街祀范蠡文種明

萬曆庚子耆民鄺有政請邑侯劉光復初建

劉光復與越二

大夫祠記越之冠帶而長中諸侯者自王勾踐始其

作蠡文子禽種是係厥勞偉矣厥施勤矣二大夫義

當祠然後世多震慕少伯高蹈而悲文之不早見遂

當逆戰夫差時強諫弗聽已習知主之不可量獨以

禽朝格敵而夕行成國虛無人挺身退得天道也若子

之若棄一心惟雪恥報國是圖道泣血枕戈倖剪寇

仇而通周室方將借天子靈寵以屬諸姬桓文寡君

而駕軼管范諸人為愉快豈意君之遠我猜乎然即

其從容自裁曰臣聞命矣無纖毫怨懟狀則非如倖

倖矜功伐而懷憤懣者比也所謂生死不二之臣非

欺且少伯告君曰親附百姓臣不如種是二大夫自


為有明闇而其造澤於越則一也則為此地而議崇

祀誠無先二大夫者故題其額曰典越二大夫祠著

孟子廟

諸暨縣志在縣西三十里夫槩鄉係四十七

世孫信安郡王孟忠厚扈駕南渡幼子環衛上將軍



開國男孟載封爵諸暨因家焉嘉定丁丑建明萬曆

間知縣陳正誼重修陶允宜孟子廟碑記宋南巡有

七代孫信安郡王忠厚子封爵諸暨縣流寓夫槩鄉

子孫家焉嘉元丁丑建孟子廟肖像其中四時專祀

其後廟宇日頽嘉靖間郡守張侯計直修葺俄以兵

火寢工萬曆間陳侯出宰茲土聞邑西有廟釋奠既

畢徘徊四顧遂謀新之命孟氏之族長文獻合其族

人釀金若干鳩工庀材以告始事侯後捐俸百金以

竣厥役仍請於督學喬公大參胡公傲其後充生

員以奉廟事於是夫槩之墟炳然三遷之里矣

國朝順治間六十四世孫福舜生員樹忠等呈請撥田六

頃供奉祭祀

朱太守買臣祠 諸暨縣志在縣北之松山宋嘉熙四

年勅賜文應廟每歲祈年社會最盛趙希鶴朱太守

為邑左山右澤地勢高下殊絕故旱澇輒暴至嘉熙

庚子秋七月積陰不開霖雨大注霹靂震霆巨電交

作民大駭邑令祈於四壖弗應鄉耆老祈於社里弗

應於是川流驟漲四野瀾漫如澤谷壞室廬損苗稼

老稚覺額顛提點刑獄使者項公容孫行部至縣名

父老曰古者能禦大災能捍大患必有山川英靈之

氣鍾為明神而邑之神寧無是者乎僉曰吾邑松山

朱太守之神生而父母吾邦歿而血食鄉井盍禱焉

翌日吏率其僚佐民會其保伍走祠下辦香致敬拜

力修祈工...

祠祀五

三



因遁去宋朝宣和甲辰妖人方臘嘯聚欲入境神見一嫗織巨屨賊怪問之嫗曰將以供官軍賊遽退慶元戊午延寇跳梁射楊思中禱之得吉卜整衆擒賊賊望見神旗如曩時驚駭乃潰凡邑之旱蝗水災及癘疫無禱不應於文學科舉之士占得失尤驗今禮官以文應定廟額蓋取史臣語內外以文相應之義廟成爰作迎享送神之歌
淳祐甲辰二月初吉記

史大夫祠

諸暨縣志在縣西北三十里靈泉鄉按大

夫家世其先杜陵人諱昭德題其字唐咸通中充諸暨鎮遏使平喬中甫之亂黃巢犯境又却之卒葬靈泉鄉之溫泉村邦人懷之立祠祀焉

梁公祠

於越新編在紫山明隆慶間建祀知縣梁子

琦傳詳名臣

忠義節孝祠

忠義祠在學宮內泮池西節孝祠在江

東下坊門地方

國朝雍正四年知縣佟逢年奉文建

餘姚縣

先農壇

在東郊

國朝雍正六年知縣葉瑄文奉文建立壇宇并置藉田四

畝九分

社稷壇


萬曆紹興府志在西門外一百五十步

風雲雷雨山川壇

弘治紹興府志在縣南門外

邑厲壇

餘姚縣志在治北武勝門外燭溪鄉



城隍廟

餘姚縣志在治東二十步元至正二十五年

重建

汪文璟重修城隍廟記城隍廟在州東北二十

十二年加封崇德昭應王越三年九月命下而知州
王侯瑤來蒞是州者二年矣政簡而役均民安而吏
肅水旱疾疫有所於神無不輒應侯於是樂民之和
感神之德而侈上之賜也乃捐俸以率其僚屬父老
大修厥廟易其朽蠹破壞而增其未備者於是門廡
殿寢內外一新廟修於至正二十五年四月十有五
日成於十一月一日明正德七年令張瓚新之嚴時泰城隍廟
城隍故祠以歲久就頽邑宰張侯瓚謀新之衆舉吳
山寺僧文顯至則出衣盂長物以信施者響應不
踰年落成復置常祀田三十餘畝請給符牒以禁將
來之鬻并邑令顧煥存仁給之復稽舊籍而免其丁
役焉嘉靖十九年通判葉金於縣之東南隅建齋房五
楹萬曆十五年知縣周子文改建廟後設東西廡其

後知縣黃琰重修

國朝順治三年同知王應升復新之

東嶽廟

萬曆紹興府志在大黃山宋政和四年通直

郎顧復幾捨址知縣廖天覺建建炎間燬市舶使史

應炎捨今址復建嶽廟在郡中各邑往往有之而餘

姚獨盛


緒山廟

餘姚縣志舊在龍泉山後廢遂移建於西門

月城內

李泳緒山廟記餘姚縣緒山祠祀典始於東

晉咸康暨本朝崇寧間蔽廟一夕夢禁中火
有神人撲滅已而致恭曰臣越之餘姚緒山神也黎
明有司不謹焮及內庭得暴雨乃已上驚異有旨下
本道搜求靈跡宛然邑上其事勅加咸康應夢之號
宣和方臘之叛二浙搖動綠林數千起剽中將及境



人情恟恟有異雲截道若不可進衆睨雲中鬼神兵
幟可駭皆禱魄遁去乾道三年玉牒趙彥仁緯與邑
者艾有事祠下視棟宇歲久而像設湮聞風雨鳥鼠
之所穿漏相顧太息哀賞為倡俾和者成之凡錢貨
工財之委應期皆至哀於春
成於夏功不勞而廟貌一新

國朝康熙九年復徙龍泉山舊址

南雷瑞應王廟

嘉泰會稽志在縣南雙鴈鄉舊廟在

大小雷山因溪水泛溢流木至此遷於今所

元修南雷瑞應

王廟記至正六年夏五月不雨土田曠乾農夫告病
餘姚守汪侯辰良與官屬議於庭曰吾守茲土時值
歲旱民用愁苦其筮在吏我不可不為民請按州志
四明之山有北麓於州為南山其山曰大雷小雷其
神曰南雷之神起晉咸康間得祠祀南有大樹幾百
圍空中可容數十人下窪為泉冷然居人或見異蛇
終上天必雨謂為龍云凡民有灾沴妖孽旱蝗水滂
之留禱之無不應宋宣和間羣盜方臘寇縣縣民號

於神賊且至毒蜂被野賊懼而遁神數為民禦旱災
患連著顯實宋嘉定初勅賜廟額曰孚應實為大

遂於丁亥率官屬畢出請廟還及州而雨終日民猶
以為未足丙申守又往禱屏車却蓋自稱無狀是日
天無雲赤日赫然頃之雷雨作雨三日而後止既
汚邪皆生美禾是歲為有年民乃曰祠境弗葺何以
報神我將修樹祠廟刻石於門以昭神功
且以彰守之仁衆皆曰然訖成屬余記之

漢高帝廟

萬曆紹興府志在白山山形類蛇又產白

蛇故祀以厭之

巖子陵祠


弘治紹興府志在縣東北十里之陳山光

之宅墓皆在焉其廟乃宋乾道中郡守史浩所建於

越新編嘉靖間知縣邱養浩徙千佛閣左春秋祭

孫應

壽巖先生廟記先生吾餘姚人也晚黜於富春山富
春析而為桐廬釣臺屬焉自文正范公建祠而記之



釣臺之名大顯而吾邑之地靈人傑世反不傳非闕歟土俗所記吾邑稍東江瀨細細上下常有聲是為子陵灘蓋其初之釣游處也旁又有山曰嚴公山有古祠曰先生廟

謝太傅廟 紹興府志在東山祀晉謝安

永澤廟 餘姚縣志在儒學旁元州判官葉恒築海堤

民思其功請於朝廟祀之後祀於開元鄉龍王堂

石孝子廟 餘姚縣志在四明鄉祀石明三元重紀至

元中建 傳詳孝友

趙考古祠 於越新編在新城內明嘉靖中知府湯紹

恩建祀教諭趙謙 傳詳儒林

毛忠襄祠 萬曆紹興府志在汪姥橋東五十步祀忠

襄公毛吉有司春秋祭 倪宗正毛忠襄祠堂碑記公字宗吉自幼負氣節陞廣東

按察司僉事廣西蠻賊滋蔓揮刀斫賊力屈被害七日得屍貌如生官吏士民弔哭相屬時從車餘犒軍銀或密付公家僮為歸資是日公降於僮妻悉索以歸夏憲長曰吾平生玉潔肯含垢入地哉闔署駭觀事聞贈嘉議大夫本司按察使廣東人被公之德者祠之水旱疾疫禱之輒應感神之況茲鄉公之所生其山川公英靈所由萃也人之神之也宜哉


謝文正祠 紹興府志在龍泉山忠烈祠東明大學士

謝遷祠也有司春秋祭之 傳詳名臣

海日祠 萬曆紹興府志在新建祠東祀文成公父尚

書王華 傳詳名臣

忠烈祠 嘉靖浙江通志在龍泉山南麓祀贈禮部尚



書孫燧嘉靖二年知縣邱養浩建

黃芳忠烈孫公祠
堂碑正德已卯六

月宸濠反都御史孫公死之即死所建祠曰旌忠知
縣邱養浩請於當道曰夫名德祀於其鄉自古為訓
餘姚公生其地而祠闕焉甚無以妥幽靈答明貺乃
即龍泉山巔祠之額曰忠烈公諱燧字德成別號一
川居士祠地縱橫若干門室各三楹東西
廡各五楹皆養浩請公幣鳩工市材成之

陽明先生祠 嘉靖浙江通志在龍泉山舊為上方僧

舍先生嘗講學於此嘉靖十四年提學徐階因為建

祠先生手書學規今猶在壁間祠左有海日樓

黃忠端祠 餘姚縣志在新城保慶王廟左祀黃忠端

公尊素有司春秋祭

張鵬翮黃忠端祠堂碑銘混漭
溯江理學是衍德業文章聿推

新建繼此者雖黃公莫先公生不辰豨豸逞亂乘鼎
竇櫛一曰百戰嚴巖黃公犯顏直諫并成同列芳燭

隱患哀哉黃士或殛或竄鶚鳩爭鳴卒及於難廟祀
歷年俎豆於粲濡潦稽天助虐闢宦遷而新之楸栢
輪奐傳之永
久精神靡散

國朝雍正九年總督 李衛檄縣重修

施恭愍祠 餘姚縣志在驛東祀明末殉節左副都御

史施邦曜有司春秋祭

國朝順治十年賜官地七十畝以為祭田


貞烈祠 於越新編在新城內石鬼橋西祀姜通判妾

竇氏

傳詳
劉女

忠義節孝祠 忠義祠在儒學左側節孝祠在奉裁姚

江驛基



國朝雍正五年知縣葉瑄文奉文建

上虞縣

先農壇 在縣東郊外

國朝雍正五年知縣許蓋臣奉文建立壇宇并置藉田四畝九分

社稷壇 萬曆紹興府志在縣西一里

風雲雷雨山川壇 弘治紹興府志在縣西南二里

邑厲壇 萬曆上虞縣志在北門外一里

城隍廟 紹興府志在縣東一百步萬曆上虞縣志

自後漢其址係史壽總所捨宋寶祐中莊演等再

東有廳事元陳椿應順等改為觀音堂後鍾愷王福

相繼修治而壽總後裔得仁又益地重建陳文鼎應

筠葉文珪以次興舉萬曆十二年令朱維藩重修二

十五年令胡思伸改修

胡思伸城隍廟記虞有城隍廟泐於漢廢於唐復於宋遞廢遞興未詳所自今廟在邑之東與治署隣若曰邑


主者既以嚮明而治神則司其柄於冥漠中儼然而通盼蠻焉凡祐善罰淫報不爽銖寸先是嘉靖甲寅

尚島倭為屢三犯我郭而無能加一矢保障之功偉哉歲久患圯又湫隘不稱瞻仰余萬曆丙申蒞治拓地聚材葺而新之

石窟廟 萬曆上虞縣志在羅巖山麓奉桑神神嘗助

宋兵有功封郡王明張秋河決嘗顯陰靈助築至今

客江湖者遇險難呼號求救輒獲護持有所禱其應



若響

握登聖母廟

嘉泰會稽志在縣西南四十里握登山

之巔舊傳舜母名握登生舜於姚墟因姓姚氏

蕭將軍廟

嘉泰會稽志在縣東南十四里將軍秦人

諱闔與弟閔領兵東之上虞植金鞭於地而自誓曰

化為黃竹吾當血食於此已而黃竹生焉黃竹嶺由

此得名嶺去廟甚近廟有斷碑云吳太元二年縣令

濮陽興立

遺德廟

萬曆紹興府志一在五夫鎮一在法界神周

氏諱鵬舉東晉時宰上虞後守雁門曾游漁浦湖全

家沒於水自是數示靈響民立祠奉之號仙官廟唐

天寶間鄉人孔澤趙瑗請禱願遷忽大風四起朱紱

及香爐皆隨風而去二人視其爐紱所止處聞之於

官為建祠堂賜額利濟祠中藏錢王所賜紫袍犀帶

及鐵鞭之屬

宋宣和七年勅浙部使者奏上虞遺德

廟中賊衆駭愕謂官軍已至遂退走赫然明靈實相

天討保完一方命賜爵為威惠侯以顯神之威德俾


民報祀世


萬曆紹興府志在縣西北六十里晉隆

安中海寇亂袁山松築城禦寇而死鄉人祀之

崔長官廟

萬曆紹興府志在縣西七里祀唐縣令崔





勅修泮宮通志 卷二十一 祠祀

協 林仰成崔公祠記公為邑令適歲旱征輸莫辨乃捐俸代輸至罄其家積邑人深德之置祠於莫氏地號莫家祠祠前有樟九株名九株樟後宇廢木茂里人擬古甘棠昇香火於樹下奉如祠後嘉靖己亥復營構迄今又越二十餘禩矣樟盡萎而廟貌僅存擇日量工門庭楹廡悉更經營祠宇既備復買置祭田以供祀事

朱娥廟 紹興府志在縣南八里娥既配曹娥廟其後

上虞邑人復為立祠 傳詳列女葛焜朱娥詩孝女祠堂溪水邊蕭蕭古樹近籠烟遺

碑別蘇臨風讀不待中郎事亦傳

鄭公祠 於越新編在等慈寺東祀明知縣鄭芸 傳詳名宦

忠義節孝祠 忠義祠在縣學內東首節孝祠在縣學

外金鼻坊八字橋側

國朝雍正三年知縣許盡臣奉文建

嵎縣

先農壇 在東郊朱公河岸側

國朝雍正五年知縣張泌奉文建立壇宇并置藉田四畝

九分

社稷壇 萬曆紹興府志在繼錦門外西嶺之上

風雲雷雨山川壇 弘治紹興府志在縣方山鄉

邑厲壇 嵎縣志在縣北二里仁德鄉二都

城隍廟 嘉泰會稽志在縣西五十步嵎縣志創不知

何始元至正六年尹冷瓚修二十四年殿守帥周紹

勅修泮宮通志 卷二十一 祠祀五